

Жанубий Қозоғистон

1991 йил 5 апрелдан чиқа бошлаган
Сешанба, пайшанба ва шанба кунлари чиқади

2025 йил 17 апрель, пайшанба, №41 (3542).



РАҚОБАТБАРДОШ МАҲСУЛОТЛАР МАМЛАКАТИ

ЗАМОНАВИЙЛАШАЁТГАН ҚОЗОҒИСТОН МАНА ШУ МАҚОМГА ҲАР ЖИҲАТДАН МУНОСИБ

Президент Қасим-Жумарт Тўқаев Шимкент шаҳридаги «Тассай» индустриал минтақасида ўтган маҳаллий маҳсулотлар кўргазмасида мамлакатимизда эркин бозор муносабатларига асосланган ҳуқуқий, иқтисодий, ижтимоий демократик давлат барпо этиш ва адолатли фуқаролик жамиятини шакллантириш борасидаги ислохотлар изчил давом эттирилаётганини таъкидлади. Тадбиркорликка кенг йўл очиш, кичик бизнес ва хусусий тадбиркорлик ҳимоясини таъминлаш мақсадида бозор иқтисодиётининг ҳуқуқий асослари, қонунчилик базасини мустаҳкамлашга алоҳида эътибор қаратилмоқда.

– Қозоғистон рақобатбардош маҳсулотлар мамлакатига айланиши керак. Шу мақсадда кичик ва ўрта бизнесни ривожлантириш, уларнинг фаолиятидаги муаммо ва тўсиқларни бартараф этиш юзасидан мажмуавий чора-тадбирлар кўриляпти. Мамлакатда тадбиркорларга муносиб шароит яратиш учун жойларда технопарк ва кичик саноат минтақалари ташкил этилмоқда, шу жумладан, ҳозирги кунда 14та махсус иқтисодий минтақа ва 50та индустриал минтақа фаолият юритмоқда, – деди Давлат раҳбари.

Президент шу ерда «Оңтүстік» махсус иқтисодий минтақасида фаолият юритаётган «Balabi Textile» корхонасининг тўқимачилик саноати маҳсулотлари кўргазмаси билан ҳам танишди.

Корхона маҳсулотлари замонавий технологиялар асосида, халқаро андазаларга мос ҳолда ишлаб чиқарилиб, айни пайтда Европа бозорига экспорт қилинмоқда. 2022 йилда махсус иқтисодий минтақада рўйхатдан ўтган корхонага 6,5 миллиард тенге миқдорида сармоялар жалб қилинган. Корхонада йилига 50 миллион жуфт пайпоқ маҳсулотлари ишлаб чиқарилмоқда.

Президент тадбиркорлар билан учрашувда саноатни жадал ривожлантириш, маҳаллийлаштириш даражасини ошириш ва кўламини кенгайтириш масалаларига алоҳида тўхталди ва мамлакатдаги ислохотлар, пенсия, ойлик маошларнинг оширилиши, бунёдкорлик ўз-ўзидан бўлмаслиги, уларнинг барчаси бевосита иқтисодиётга бориб тақалишини яна бир қарра эслатди.

Ш. ОКТЯБРОВА,
«Balabi Textile» корхонасининг матбуот котиби.

ЛЕГИОНЕРЛАРНИ БЮДЖЕТДАН МОЛИЯЛАШ ТАҚИҚЛАНАДИ

KAZINFORM. ҚР Президенти легионерларни бюджетдан молиялашни тақиқловчи қонунни имзолади.

Қонун мамлакатнинг жисмоний тарбия ва спорт соҳасини ривожлантириш сиёсатини такомиллаштиришга қаратилган.

«Давлат раҳбари «Қозоғистон Республикасининг айрим қонун ҳужжатларига жисмоний тарбия ва спорт масалалари бўйича, шунингдек, ортқича қонунчиликни тартибга солишининг олдини олиш борасида ўзгартиш ва қўшимчалар киритиш тўғрисида»ги Қозоғистон Республикаси Қонунини имзолади», дейилади хабарда.

Ваколатли орган спортнинг устувор турларининг республика ва ҳудудий рўйхатини ишлаб чиқади, юқори натижаларга эришган спорт турлари рўйхатини ва уларни бюджет маблағлари ҳисобидан молиялаштириш тартибини белгилайди.

Ассосий спорт турлари халқаро майдонда эришилган натижаларга қараб белгиланади. Булар Олимпия, Паралимпия, Сурдолимпия, Осие, ПарОсие ўйинлари дастурига киритилган спорт турлари, шунингдек, миллий спорт турларидир.

Чет эллик легионерларни бюджет ва квазидавлат шўъбаси субъектлари маблағлари ҳисобидан молиялаштириш тақиқланади.

Бундан бунён бюджет маблағлари фақат тўртта йўналишга сарфланади: спортнинг юқори ютуқлари, жумладан, спортнинг устувор йўналишлари, давлат жисмоний тарбия ва спорт ташкилотлари фаолияти, оммавий спорт, спорт инфратузилмасини ривожлантириш.

Қонун матни матбуотда эълон қилинади.

МАЙ ОЙИДА ҚОЗОҒИСТОНЛИКЛАР НЕЧА КУН ДАМ ОЛАДИ

KAZINFORM. 2025 йил май ойида Қозоғистонда учта муҳим байрам нишонланади: 1 май – Қозоғистон халқлари бирлиги куни, 7 май – Ватан ҳимоячилари куни ва 9 май – Ғалаба куни.

1 май куни байрам пайшанба кунига тўғри келади, шунинг учун дам олиш кунлари қуйидагича бўлади:

1 май дам олиш куни, 2 май иш куни, 3 ва 4 май дам олиш кунлари.

7 ва 9 май дам олиш кунлари – Ватан ҳимоячилари куни ва Ғалаба куни чоршанба ва жума кунларига тўғри келади:

7 май дам олиш куни, 8 май иш куни, 9, 10 ва 11 май дам олиш кунлари.



KAZINFORM. Давлат раҳбари тинчликпарварлик миллий таркиби ҳарбий хизматчилари билан учрашди.

Қасим-Жумарт Тўқаев Миллий тинчликпарвар кучлар таркибида муваффақиятли хизмат қилиб, халқаро хавфсизликни мустаҳкамлашга катта ҳисса қўшган зобит ва аскарлар билан учрашди. Президент мамлакат зиммасига юклатилган масъулиятли вазифани юксак савияда бажариб келаётган ҳарбийлар қаҳрамонлик ва жасоратнинг юксак намунаси кўрсатиб, бу орқали Миллий армия, бутун давлат нуфузини юксалтирганини таъкидлади.

– Тинчликпарварлик сиёсати тинчлик элчиси бўлиши аниқлади. Бу улкан шараф ва юксак масъулият, чинакам жасур жангчиларгина урдадан оладиган вазифадир. Барчангизга самимий миннатдорчилик билдираман. Маълумки, ҳозир дунёда вазият жуда мураккаб. Турли можаролар юз бермоқда. Афсуски, уларни музокаралар йўли билан ҳал қилиб бўлмапти. Бундай ҳолларда



тинчликпарварлик тадбирлари алоҳида ўрин тутди. Қозоғистон тинчликпарвар давлат. Биз дунёда барқарорлик урнатишга қаратилган барча ташаббуслар-

ни қўллаб-қувватлаймиз, – деди ҚРнинг Олий Бош қўмондониди.

Президентнинг сўзларига қўра, 2014 йилдан бунён мамлакат қуролли кучлари Бирлашган Миллатлар Ташкилотининг тинчликпарварлик тадбирларига ҳисса қўшиб келмоқда, 80 нафар фуқаро бир неча тадбирларда қузатувчи ва штаб зобитлари сифатида 700 нафарга яқин ҳарбий хизматчи эса БМТнинг махсус амалиётларида иштирок этган. Давлат раҳбари улар орасида Алия ва Маншук, Хиаз йўлидан борган жасур хотин-қизлар ҳам борлигини таъкидлади.

Қасим-Жумарт Тўқаев қўллаб-қувватлаётган тинчликпарварлик кучларга қўшилишга интилаётганини, бироқ ҳаммага ҳам ишонч билдирилмаслигини таъкидлади. Қозоғистонга шундай имконият берилмаётгани, миллий армия ўтган йили яна бир тарихий қадам ташлаганини айтди.

– Қозоғистон илк бор мураккаб вазиятда тинчликпарварлик вазифаларини ўз зиммасига олди. Голан тепаликлариди олиб борилган операция доирасида

қўшилдик. Қозоғистон Марказий Осиеда бу борада катта тажриба тўплаган ягона давлатдир, – деди Президент.

Олий Бош қўмондон аскарларни муҳим вазифаларни бажаришга тайёрлашга алоҳида эътибор қаратди. Унга қўра, қисқа вақт ичида ҳарбий хизматчиларни турли касб-ҳунарларга ўргатиш, уларни халқаро андазаларга жавоб берадиган барча қуроллар билан таъминлаш борасида юқори сифатли ишлар амалга оширилди.

Сўнг ҚР Президенти бир гуруҳ тинчликпарвар хизматчиларни давлат мукофотлари билан тақдирлади.

Қасим-Жумарт Тўқаевнинг 2025 йил 14 апрелдаги Қозоғистон Республикасининг давлат мукофотлари билан тақдирлаш тўғрисидаги ҚАРОРИГА мувофиқ:

1. Бирлашган Миллатлар Ташкилотининг Голан тепаликлариди тинчликпарварлик вазифаларини амалга оширишда ҳарбий бурчини намунали бажарганлик, жасорат ва фидойилик кўрсатгани учун қуйидагилар мукофотлансин:

Сарадат Нурмағамбетов номидаги I даражали «Айбын» ордени билан
Айипов Жигер Муратули – ҚР Мудофаа вазирлиги Тинчликпарвар жараёнлари маркази бошқармаси бошлиғи;

Бауржан Мўмишули номидаги II даражали «Айбын» ордени билан
Аппазов Сухраб Тўхтиқожаули – ҚР Мудофаа вазирлиги Тинчликпарварлик тадбирлари маркази катта зобит-мураббийи;

Камен Бауржан Қасимули – ҚР Мудофаа вазирлигининг 58012-сонли ҳарбий қисми муҳандислик батальони штаб бошлиғи;

Қасимов Мақсат Сейилханули – ҚР Мудофаа вазирлиги 99230-сонли ҳарбий қисм зобити.

Мукофотларга қўшимча рўйхатини akorda.kz сайтыда ўқи оласиз.

»» 18 апрель – Халқаро ёдгорликлар ва тарихий қадамжоларни асраш куни

Битилмаган достонларимиз бисёр

Бутун дунёда ҳар йили 18 апрель – Халқаро ёдгорликлар ва диққатга сазовор жойлар куни «Тарихий ватанимизни асраймиз» шиори остида нишонланади.

Жаҳон мероси куни сифатида ҳам танилган бу кун 1982 йили ЮНЕСКОнинг ёдгорликлар ва диққатга сазовор жойларни муҳофаза қилиш халқаро кенгаши (ICOMOS – International Council on Monuments and Sites) томонидан таъсис этилган.

Маданий меросни асраб-авайлаш нафақат тарихни сақлаб қолиш, балки, бутун дунёдан минглаб сайёҳларни жалб этадиган ноёб сайёҳликни шакллантириш имконини беради.

Маданий меросни муҳофаза қилиш бўйича ассосий ҳужжат 1972 йилда ЮНЕСКО Бош сессиясида қабул

қилинган ва 1975 йил декабрда кучга кирган «Жаҳон маданий ва табиий меросини муҳофаза қилиш тўғрисида»ги конвенциядир. Конвенцияга аъзо давлатлар ўз ҳудудидаги маданий, табиий меросни муҳофаза қилиш, сақлаш ва келажак авлодга етказишни таъминлаши шарт.

Бугунги кунда мамлакатимизда моддий ва номоддий маданий мерос иншоотлари муҳофазаси бўйича салмоқли ишлар амалга оширилмоқда.

Она тупроқ – одамзод бешиги, тарих эса унинг қўшиғи.
М. САФАРОВ.



(Давоми 2-бетда.)

АВТОМОБИЛЬ ЙЎЛЛАРИДА ЎРТАЧА ТЕЗЛИК НАЗОРАТДА

KAZINFORM. Назорат бир неча участкаларда амалга оширилади:

- Астана – Шучинск (тезлик соатига 140 қақирим);
- Астана – Павлодар (тезлик соатига 140 қақирим);
- Шимкент – Қизилўрда (тезлик соатига 110 қақирим);
- Шимкент – Тароз (тезлик соатига 110 қақирим);
- Павлодар – Семей – Калбатау (тезлик соатига 100-110 қақирим);
- Ўрал – Россия чегараси (Саратов) (тезлик соатига 100 қақирим);
- Павлодар – Россия чегараси (Омск) (тезлик соатига 100-110 қақирим).



»» Обуначиларимиз орасида

АКАДЕМИК ВОСИТ ВОҲИДОВ НОМЛИ МАКТАБДА

Чоға қишлоғидаги “Жанубий Қозоғистон” вилоят газетаси тахририяти саъй-ҳаракатлари билан 2000 йили академик Восит Воҳидов номи берилган, тажрибали директор Тоҳиржон Басанов раҳбарлик қилаётган умумтаълим мактабига қишлоқ УЭМБ раиси Одил Меҳмонов билан ташриф буюрдик.

Директор ўринбосарлари Жаҳонгир Мирзаев, Дилмира Ҳабибуллаева, жисмоний тарбия ўқитувчиси Уткир Исоқов-



лар билан обуна, мактаб эришган ютуқлар ҳақида суҳбатлашдик. Вилоят таълим бошқармаси ташкилотчилигида ўқазилган “Миллий мактаб лигаси мусобақалари” финал босқичида ушбу мактабнинг 7-8- синф ўқувчи кизлари жамоаси Суҳробжон Омонкелдиев етакчилигида фахрли иккинчи ўринни эгаллаганлиги мактаб ҳаётидаги шонли воқеа. Келажакда ҳам муваффақиятлар ёр бўлсин.

Ш. МАДАЛИЕВ.

Тасвирларда: мактаб директори ўринбосарлари Д. Ҳабибуллаева, Ж. Мирзаев, ўқитувчи Ў. Исоқов ва қишлоқ УЭМБ раиси О. Меҳмонов; вилоят миқёсида зафарга эришган мактаб жамоаси.

Муаллиф тасвирлари.

»» Билимли ва ҳунарли инсон хор бўлмайди

КАСБ ТАНЛАШГА БАҒИШЛАНГАН ТАДБИР



Саврон туманига қарашли Бершинтўбе қишлоғида Дилмира Файзиева раҳбарлик қилаётган Ўзбекали Жанибеков номли умумтаълим мактабига юқори синф ўқувчилари учун касб танлаш мавзуга бағишланган тадбир ўтди.

Тадбирга таклиф этилган турли касб соҳиблари – математика фани устози Дилмира Файзиева муаллимлик, журналист Шомирза Мадалиев журналистика, банк тизими бош менеджери Айжан Аширова молия, ҳамшира Собира Баратова тиббиёт тизими соҳасининг ўзгачаликлари, сир-асрорлари ҳақида ҳаётий мисоллар билан ташуириб, ўқувчиларнинг саволларига жавоб беришди. Халқимизда



“Булоқ кўрсанг кўзини оч”, деган нақл бор. Энг асосийси – касб танлашда мустақил ҳаётга қадам қўяётган ҳар бир инсон ўз қизиқиши ва иқтисодри имкониятларидан келиб чиққан ҳолда иш юритса, нур устига нур.

Тадбирда директор ўринбосари Эргашбой Жўрабой ўғли, ўқитувчи Жаҳонгир Мадихон ўғли иштирок этиб, ўз мулоҳазаларини билдиришди.

**Феруза АЛИЕВА,
Саида АШИРБЕКОВА,
Ў. Жанибеков номли
мактаб ўқитувчилари.**

Тасвирда: тадбирдан лавҳалар.

**Рўзиохун МАДАЛИЕВ
суратга олган.**

ҚОРАЧИҚДА НАВРЎЗ ШОДИЁНАСИ



Саврон туманидаги қадим ва навқирон Қорачиқ қишлоғида Наврўз байрами кенг жамоатчилик иштирокида катта тантана билан нишонланди.

Мактаб ва болалар боғчалари тарбияланувчилари ўз чиқишлари билан байрамга гўзал тароват бахш этишди. Маданият уйи ходимлари – Онажон Тўйчиева, Шарифжон Исмоилов, созанда Илҳомжон Бобохонов ва ёш санъаткорлар

томонидан жонли ижрода кўшиқлар янгради. Кўхна Сайрамдан ташриф буюрган хонандалар – Мухлис ва Чарос дуэти ҳам байрамга файз қўшди.

Мактаб ўқувчилари ўз ижодий ишларини кўргазмада намойиш этишди. Бир неча қозонда тайёрланган паловхонтўра ва кўжалардан меҳмонларга тарқатилди.

Тадбирда Қорачиқ қишлоғи ҳокими Сакен Ўразбаев, эл огалари Ҳабибулла Азимов, Бобожон Муютов, қишлоқ УЭМБ

раиси Мирзахон Адхамов, қишлоқ фахрийлар кенгаши раиси Фурқат Айтметов, Туркистон шаҳар УЭМБ раиси Раимжон Қўчқоров ва «Дўстлик» ҳамжамияти вакиллари сўзга чиқиб, байрам билан кутлашди.

Лотерея ўйини, миллий спорт турлари – арқон тортиш, тош кўтариш, қўл кураши ва хўроз уриштириш қизиқарли ўтди. Фолибларга совғалар ва пул мукофотлари топширилди.

Қишлоқ чемпионати сифатида ўтказилган кичик футбол мусобақасида 10та жамоа иштирок этди. 1-ўринни 1999 йили туғилганлар, 2-ўринни 35 ёшдан ошганлар, 3-ўринни эса 2008 йилда таваллуд топган ёшлар жамоаси қўлга киритди.

200 нафар ҳамқишлоғимизга ўзбекона дўппи тарқатилди. Байрам ташкилотчилари ва фаол иштирокчилари “Дўстлик” ҳамжамияти ҳамда маҳаллий ҳокимликнинг ташаккурномалари билан тақдирланди.

Наврўз байрами муборак бўлсин, азиз ҳамюртлар!

Саид ХАЙРУЛЛОҚ.

»» Обуначиларимиз орасида

КЕНТОВ ШАҲРИДАГИ УМУМТАЪЛИМ МАКТАБЛАРИДА

2025 йилнинг иккинчи ярмига даврий нашрларга обуна бошланди. 84 ёшли нафақадаги устоз, Кентов шаҳар УЭМБнинг фахрий раиси, нашримиз жонкуяри Ҳошим Абдувалиев ҳамроҳлигида тажрибали устоз Мансур Акешов раҳбарлик қилаётган Ўзбекали Жанибеков номидаги кўп соҳали мактаб-гимназиясига ташриф буюрдик.

– Ушбу мактаб фаолияти 2001 йил бошланган. Ўша кездеги вилоят УЭМБ раиси Икром Ҳошимжонов, вилоят ҳокимининг ўринбосари Дархан Минбай, вилоят “Жанубий Қозоғистон”, “Южный Казахстан” газеталари тахририятлари, мухбир Шомирза Мадалиев ёрдами ҳамда ўзимизнинг изчил саъй-ҳаракатларимиз туфайли очилган ушбу мактаб таълим-тарбияда намунали. Холис ёрдам кўрсатганларнинг барчасига самимий ташаккурим, – деди Ҳошим Абдувалиев.

Кўп йиллик фаол обуначиларимиз, жорий йили ёзда 50 ёшни қаршилайдиган ишчан директор Мансур Акешов ҳамда тажрибали кутубхоначи Седора Дилмурод кизи суҳбат чоғида мактаб жамоаси одатдагидек почта орқали 80 нусха “Жанубий Қозоғистон” обунасини ташкил этишини маълум қилди. Барча суҳбатдошларимизга тахририят “Ташаккурнома”си тақдим этилди.

Шаҳардаги Алишер Навоий номли 17-сонли мактаб тарихи 1971 йилдан бошланади. Буюк адиб А.Навоийнинг 550 йиллиги муносабати билан 1991 йили мактабга унинг номи берилган. Турли йилларда ушбу нуфузли таълим даргоҳига самарали раҳбарлик қилган Собиржон



обуначимиз, олимлик даражасига эга Султон Орифжон ўғли Тошпўлатов раҳбарлик қилмоқда. Кутубхона мудираси Марҳабо Дўсметова билан келган Шарофиддин Абдугани ўғли Бекеев (тасвирда) мактабни, сўнг, Тошкент политехника институтини тамомлади.

Меҳнат фаолиятини инженер-технолог сифатида 1972 йили Туркистон шаҳридаги қурилиш қисмлари ва конструкциялаш комбинатида усталиқдан бошлаган. Билими, салоҳияти, изланувчанлиги, ташкилий қобилияти билан цех бошлиғи, директор ўринбосари бўлиб ишлади. 1991 йилдан Туркистон шаҳридаги энг йирик саноат корхонасига раҳбарлик қилди. Самарали меҳнатлари учун ҳукумат томонидан

Ш. МАДАЛИЕВ.

Тасвирларда: Ў. Жанибеков номли мактабда; А. Навоий номли мактабда.

Муаллиф суратга олган.

»» Обуначиларимиз орасида

Ў. ЖАНИБЕКОВ НОМЛИ МАКТАБДА



Дилмира Файзиева раҳбарлик қилаётган Ўзбекали Жанибеков номли умумтаълим мактабига кутубхона мудираси Дилхумор Йўлдошева саъй-ҳаракатлари билан 40 нусха “Жанубий Қозоғистон” вилоят газетасига обуна амалга оширилади.

Келаси ярим йилликда шу кўрсаткич давом этадиган бўлди. Мактаб маъмурияти ва кутубхона номидан “Ўлес” вилоят жамоат жамғармаси раиси Ра-йимжон Қўчқоров номига ўзбек тилидаги янги китоблар таъминоти масаласида битилган илтимосномани соҳибига топширдик.

Унга тахририятнинг ташаккурномаси тақдим этилди. Директорнинг тарбия ишлари бўйича ўринбосари Эргашбой Жўрабой ўғли кўпчиликини қизиқтираётган савол билан мурожаат этди:

Ўзбек тилида таълим бериладиган умумтаълим мактабларида илгари Тошкентда ўқиган бошланғич синф ва ўзбек тили, адабиёти фани ўқитувчилари нафақага чиқса, уларнинг ўрнига келиб ишлайдиган мутахассислар ҳозир тайёрланаяптими? Бу масала қандай ҳал қилинмоқда?

Ўринли саволни Шимкент шаҳридаги Жумабек Ташенов номидаги университетда айнан шу соҳада меҳнат қилаётган мутасадди ҳамюртларимиз номига йўллаб, батафсил жавобини кутамиз.

Ш. МАДАЛИЕВ.

Тасвирда: директор Д. Файзиева ўринбосари Э. Бобошев ва кутубхоначи Д. Йўлдошева

Муаллиф суратга олган.

»» Ёдном

СУВНОҚНИНГ АСЛ ФАРЗАНДЛАРИДАН ЭДИ

1950 йили 3 март куни ҳозирги Саврон тумани маркази Сувноқ қишлоғида маърифатпарвар зиёли хонадонда дунёга келган Шарафиддин Абдугани ўғли Бекеев (тасвирда) мактабни, сўнг, Тошкент политехника институтини тамомлади.

Меҳнат фаолиятини инженер-технолог сифатида 1972 йили Туркистон шаҳридаги қурилиш қисмлари ва конструкциялаш комбинатида усталиқдан бошлаган. Билими, салоҳияти, изланувчанлиги, ташкилий қобилияти билан цех бошлиғи, директор ўринбосари бўлиб ишлади. 1991 йилдан Туркистон шаҳридаги энг йирик саноат корхонасига раҳбарлик қилди. Самарали меҳнатлари учун ҳукумат томонидан



кўплаб мукофотлар билан тақдирланди. Туркистон шаҳрининг 1500 йиллик тўйини халқаро даражада ўтказишга саноат соҳаси раҳбари сифатида улкан ҳисса қўшган.

Умр йўлдоши Султонбиби Қозоқбой қизи билан қобил фарзандлар тарбиялаб, навалар кўрган пири бадавлат оила соҳибидан боқий дунёга рихлат қилди. Агар ҳаёт бўлганида жорий йилда 75 ёшга тўлган бўларди.

Туркистон шаҳрининг фаол фуқароси, маданиятимиз, она тилимиз жонкуяри Шарафиддин Абдугани ўғлининг охириати обод бўлсин!

Ш. МАДАЛИЕВ.

